

ONDORIOAK. Egoera apurka-apurka normaltzen ari da, eta orain kalte materialak neurtzeko garaia ailegatu da

Uholdeek sortutako galerak gutxienez 20,5 milioi eurokoak izan dira

Aseguru etxeetako adituek lanean jarraitzen dute, eta kopuruak dezente egingo du gora datozen egunetan



MARISOL RAMIREZ / ARGAZKI PRESS

GALERAK. Bakion bezala, gainerako herrietan ere kalteak neurtzeko garaia heldu da.

Erredakzioa | DONOSTIA

Azken bi egunotako euriteek sortutako egoerak nabarmen egin du hobera eta apurka-apurka normaltzen ari da. Orain, kalteen zenbatekoa neurtzeko garaia da. Gipuzkoan eta Bizkaian sortutako kalteak gutxienez 20,5 milioi eurokoak izan dira, baina kopuru horrek dezente egingo du gora datozen egunetan. Izan ere, Bizkaiari dagokionez, kopuru horretan errepideetan izandako galerak baino ez dira sartzen. Beraz, horri gehitu behar zaizkio udalen ondasunetan izandako kalteak eta jabego pribatuko soto, denda eta autoetakoak. Lapurdin izandako kalteen zenbatekorik ez da oraindik jakitera eman.

Bizkaiko Foru Aldundiak esan duenez, euriteek 14,5 milioi euroko galerak eragin zituen Bizkaiko errepideetan. Kaltetuenak honako hauek izan dira: BI-3123 errepidea Mungia, Arrieta eta San Kristobal artekoa, BI-2101 errepidea (Meñaka-Bakio), BI-3101 (Bakio-Bermeo), eta BI-631 errepidea (Mungia-Bermeo).

Aseguru Etxeen Partzuergoak, bere aldetik, Gipuzkoan izandako kalteen behin-behineko balorazioa egin zuen, eta horren arabera, kalteok sei milioi eurokoak izan dira. Dena dela, kopurua behin-behinekoa da, adituak oraindik ere lanean ari direlako, eta litekeena da kopurua datozen egunetan aldatzea. Beraz, orain arte zenbatutako galerak gutxienez 20,5 milioi eurokoak dira Bizkaian eta Gipuzkoan.

Egoera normaltzen ari da

Apurka-apurka egoera bere onera bueltatzen ari da, baina oraindik ere nabariak dira urak utzitako aztarnak. Bizkaiko Foru Aldundiak jakitera eman duenez, ehun behargin inguru aritu dira garbiketa lanetan, eta oraindik badago zer eginik Bizkaiko zenbait errepide eta bazterretan.

Gipuzkoan kalte gehien jasan zuen eskualdeetako bat Irungo ingurua izan zen. Bertan, ura metro eta erdiko altuerara heldu zen. Irungo udalak adierazi zuenez, astelehenean udaltzaiek herriko berrogei kaletara joan behar izan zuten, eta, oro-

dira, eta behar dituzten lanak antolatzen.

Bertzalde, hendaiarrak etengabe ari dira Herriko Etxera deika, jasan ditzaketen laguntzei buruzko xehetasunak eskatuz. Herriko Etxetik aste honetan berean asurantzengana jo dezaten eskatzen diete, jasandako galerak zehaztu ahal izateko eta konponketa lanen aurrekontu zehatza egiteko.

Les Joncaux auzotegian kokatua dagoen industrialdean ere garbiketa lanak aitzina doaz. Galera handienetarikoak jasan zituen Bonnet hornikuntza lantegian garbiketa eta ekoizpen lanak uztartu nahi izan dituzte. Astelehen arratsaldean deliberatu zuten ekoizpenari ekinen ziotela, nahiz eta oraindik lohi geruza fin bat ukan lantegi barnean. Erabaki honen helburua lantegiko 170 langileen lanpostua bermatzea da. Langile batzuek ekoizpen lanak bermatzen dituzteno, bertze batzuk azken lohi geruza kentzeko ahaleginetan ari ziren.

Hendaia eta Sokoa arteko itsas hegiko errepidea konpontzen gaur hasiko dira

Aitor Renteria | BAIONA

Uholdeen aiherra pairatu ondoren, konponketarako tenorea heldu da Hendaia eta Urruñako eskualdean. Horren adierazgarri, gaur berean abiatuko dira Hendaia eta Sokoa lotzen dituen itsas hegiko errepidea konpontzeko lanak. Astelehenean goizaldeko uholdeen eraginez, 40 metro errepide erori ziren, eta geroztik errepidea hetsirik dago. Gaur hasiko badira ere, lanen bururatzeari ez da aitzinikusten heldu den aste hondarreraino.

Konponketa lanei bultzada bat eman nahiez, Jean Jacques Lasserre Kontseilu Nagusiko Lehendakaria Urruñan eta Hendaian izan zen atzo arratsaldean. Laserrekin batera Kontseilu Nagusiko teknikariak jin ziren, larritasun handiena duten lanak zehaztu eta behar diren erabakiak hartzeko asmoz.



BOB EDMÉ

KALTEAK. Hendaian nabariak ziren urak eragindako triskantzak.

Hendaiako Herriko Etxeko sorospen zerbitzuek aditzera eman dutenez, oraindik soberra goiz da jasandako kalteen zenbatekoa neurtzeko eta galeren aurrekontu bat osatzeko. Oraingoan, lehentasun osoa ematen diote herriko hoderia konpontzeari. Zenbait puntu-

tan oraindik nahasten dira euri urak eta erabilitako ur zikinak. Lyonnaise des Eaux konpainiako teknikariak gogor ari dira lanean lurrazpiko sisteman dauden hausturak bilatzen eta konpontzen. Emeki-emeki, isurketan dauden puntuak identifikatzen ari